



NUTAARSIASSAT / 1

'Siunissaq uagut pigaarput / The future belongs to us / Fremtiden tilhører os'

- maanna qaammatit pingasut sinnitsiarlugit ingerlareerpoq. Suliniut ataatsikkut Nanortalimmi Tasiilamilu ingerlavoq, siunertaraalu illoqarfinni meeqqanik, inuusuttunik ilaqutariinnillu ilanngussuisunik suliarisat aqutugalugit annertunermik inoorussutsimik aamma pitsaanerumumik atugarissaarnermik pilersitsinissaq. Suliarisat aallaavimikkut nutaaliorniarnuupput, kulturi eqqumiitsuliornerlu aallaavigalugit. Aamma ilaqutariinnik ajornartorsiorfeqarunik nukittorsaaasunik suliarisannik suliarinnittoqarpoq. Suliniut ukiut pingasut ingerlasussaavoq. Taamaattumik, aatsaanuna aallartilaaginnartugut!



Uagut pisinnaatitaaffigut – Uagut inuunerput

Inernerisaq takuneqarsinnaasoq siulleq ingerlaarpoq. Tassaavoq atuagaq: 'Uagut Pisinnaatitaaffigut – Uagut Inuunerput'. Novembarimi illoqarfinni agguanneqasaaq. Atuagaq illoqarfinni atuarfinni workshopperit-sinerni atuartut suliarisaannik assilisanik allagarisanillu ulikkaarpoq. Inuunerissuunissap qanoq ittuusinnaane ranik meeqqat pisinnaatitaaffii aallaavigalugit meeqqat namminneq allagarisamikkut assilisamikkullu takorluuk-kaminnik saqqummiussippat. Atuakkat tigulluarisigit. Peqatigiillusi qupperarsigit. Tassaappummi inuusuttut saqqummiussaattut siunissamut kissaatigisanik neriuutinillu sakkortuumik saqqummiussisut.

Taavami maanna?

2015-imi ukiap ingerlanerani illoqarfinni taakkunani marlunni suliarisassanik arlalinnik piareersaanermik suliaq ingerlateqqissavarput, taakkulu illoqarfinni kingusinnerusukkut takuneqarsinnaalerumaarput. Suliniut aamma ilisimatusarnermut tunngatitamik malittarineqasaaq, illoqarfinniillu najukkani ilisimatusarnermik sulialinnit ilasi apersorneqarnermik misigisaqarumaarput imaluunniit attaveqarfigineqarlutik.

Tasiilaq

Tasiilami ilaqutariinnut illu aamma pinerluttunik isumagin-nittoqarfik peqatigalugit sungiusarnermik ingerlassamik ineriartortitaqasaaq, tassani najukkani isumalluuteqarfittut suliaqartussat ilaqutariinnik, meeqqanik inuusuttunillu ajornartoornermik eqqugaasunik oqaloqateqarnissaminnik sungiusarneqassallutik. Tamanna pivoq pissutigalugu ajornartorsiuiminnik amerlavallaat oqaloqateqartarsinnaanngimmata, ilisimagatsigulu inummik tusarnaarsinnaasumik taperseruisinnaasumillu oqaloqateqarluarneq annertuumik assigiinngisusiisnaasoq.

Tasiilami oqaloqatiginninnernik artornartunik isumagisaqalersillugit ilinniartitaasnaasoqarpoq, taamaallutillu allat ingerlariaqqinnissaannut ikuisinnaasunik. Aammattaaq siunertamut tassunga sungiusaanermik ingerlassassanik suliaqarnissamut ilaqutariinnut saaffiginnittarfiit nukittuumik piginnaaneqartut ilisimavarput. Anguniagarput tassaavoq uagut illoqarfinni immitsinnut ikioqatigiissinnaanissarput, avataaniit ikiorsiisoqarnissaq utaqqiinnarnagu.

Tasiilami suliniummi suleqatigiinni illoqarfimmi kulturip illorsualiornissamik isumassarsiaq sulissutigeqqinneqarpoq. Arlalippassuarnik – meeqqanik, inuusuttunik inersimasunillu – kissaatigisaq angisoorsuuvoq. Aammalumi suliniut angisoorsuuvoq, arlalippassuarnik pilersaarusiornermik annertuumillu suliaqarnissamik pisariaqartitsisoq. Suliniummi tassani illuliornissamut aningaasaateqartoqanngilaq – isumassarsialli ineriartortinnissaanut, aammalu kulturip illorsuanut aningaasanik pissarsiornissamut aningaasassaarpoq. Tamatuma saniatigut suliniummut nagasiutigalugu kulturfestivaleqartitsinissamik kissaateqartoqarpoq.

Inuusuttut nipilersuutunik amerlaneramik kissaateqarput, taamaalluni amerlasuunit nuannarineqassasunik nipilersuusiat amerlanerit pitsaanerillu nipilersugarineqarsinnaassammata. Tamatuma pinissaa sulissutigaarput.

Atuarfimmi akunnermiittut angajulleriniittullu ilinniartitsisut marluk peqatigalugit meeqqat inuusuttullu atugaris-saarnermik tunngaviusussamik misissuineq pillugit ingerlanneqasaaq. Tamanna ilinniartitsinerup ilaatut ingerlanneqasaaq. Inerniliussat 2016-ip aallartinnerani pigineqalissapput. Ilanngullugu 2015-imi aggustimi pitsaas-susilikkatut tunngaviusussamik misissuineq naammassineqarpoq. Tassani inerniliussat 2015-imi oktobarimi suliniummut ilisimatitsissutigineqarumaarput.

Nanortalik



Nanortalimmi ilaqutariit illuanni suliniutip ilannguffigalugulu nukittorsarniagaanik suliaqartoqareerpoq pissanganartumik. Ukiuni takkuttussami oqariaaseq 'uparuartortit' sammineqartissavarput – maannakkut imminernik nakkarsaanermik/ isornartorsiuineramik paasineqartartoq. Suliami tassani inunni ataasiakkaani inooqatigiinnermilu attaveqarfinni nukittussutsit nassaarinissaat siuarsarnissaallu sulissutigissavagut. Aammalu nakkarsaallunilu imminut isornartorsiornerinnaq pinnagu imminik tatiginninnermik pilersitsisut siuarsassallugit.

Siunertaq tassaavoq inuusuttut namminneq iliuuserisat iluarinartillugit isiginninnissaat, aamma inuunermit aporfissanik qaangiisnaannissaat: sapinngilagut. Tassaavoq imminermi naleqassutsimik misigisaq nukittorsaaasoq,

imminernik akuerinissamut aammalu allat peqatigalugit iliuuseqarsinnaanissamut tunngavissiisoq. Anguniagaq tassaavoq nammineq tunngasunik kinguneqarsinnaasumik suliarinnissinnaalerneq, aammalu aporfissanik qaangiilluni nukittussuseqaleqqittarnissaq. Ingerlassaq ilaqutariit Illuat suleqatigalugu 2015-imi ukiup/ukiup ingerlanerani ineriartortinneqasaaq, 2016-illu ingerlanerani atuutinneqalerumaarluni.

Nanortalimmi inuusuttut atugarissaassusaannik akiuussinnaassusaannillu tunngavigitatut misissuineq apequtunik immersuivitsigit pitsaassusilikkatullu apeqqarissaarinertigut ingerlanneqasaaq, tamanna Københavns Universitetimi specialiliorutut ilinniartumit Taitsiannguaq Trondheimimit suliarineqassalluni. Misissuineq atuarfinni aamma Piareersarfimmi ingerlanneqasaaq. Inerniliussat 2016-ip aallartinnerani pigineqalissapput. Ilanngullugu 2015-imi aggustimi pitsaassusilikkatut tunngaviusussamik misissuineq naammassineqarpoq. Tassannga inerniliussat 2015-imi oktobarimi suliniummut ilisimatitsissutigineqarumaarput.

Tasiilami Nanortalimmi 2016-imi Nerisanut tunngasumik festivaleqartitsineq

2016-imi Nerisanut tunngasumik festivali. Illoqarfinni taakkunani marlunni kalaallit nerisassaataannik sulianik sammisaqartunik suliarisassat ineriartortinniarpagut. Illoqarfinni tamakku takuneqarsinnaatinneqalissapput, taamaallutik nerisassiornermi najoqqutanik, nerisassiornermik pikkorissartitsinerni allaniillunniit suliarisani toqqaannartumik peqataagaluarunik peqataannngikkaluarunilluunniit kikkut tamarmik ilaatinneqassallutik. Nanortalimmi septembarip qaammataani festivali pissaaq, ukiumoortumillu ingerlanneqartartussaavoq. 2016-imi Nanortalik tassannga aqqisuussissaaq, suliniummiittugullu soorunami tassunga ilapittuumaarput.

Tasiilami nammineq nerisanut tunngasumik festivalissatsinnik nassaassaagut. Immaqa Nanortalimmi suliaannit isumassarsiniarsarissaagut. Tassunga 2015/2016-imi ukiuunerata nalaani najoqqutassiaq ineriartortinneqasaaq. Nerisanullu tunngasumik festivali 2016-imi aggusti/septembarimi piviusunngorsinnaassaaq.

Illoqarfinni isumalluutissatut inuit

Illoqarfinni taakkunani marlunni suliniummut suleqatigiissitaqarpoq, sulianullu ataasiakkaanut inunnik toqqaviusunik peqarluni. Taamatut ilornikkut kikkut tamarmik annertuallaamik suliaqassanngillat – suliaalli immikkut ilisimasaqarfigalugulu soqutigisaqarfianniissaaq.

Isumassarsiaqarpit?

Suliniut isumassarsiaqarussit imaluunniit siunnersuutissaqarussit ukununnga nassiteqqullugit inussiarnersumik qinnuigaatsigit:

Eli Abelsen, Tasiilami ataqatigiissarisooq – elia@sermersooq.gl
Jens Korneliusen, Nanortalimmi ataqatigiissarisooq – jeko@kujalleq.gl
Anette Molbech, suliniummik siulersuisooq – anette@plottet.dk

*Pitsaanerpaanik inuulluaqqusilluta,
Suliniummik aqutsisoqatigiit sinnerlugit:*

Peter Berliner
Tina Enghoff
Anette Molbech

